

旅大文獻徵存卷七目錄

藝文

紀遼東

隋煬帝

遼城望月

唐太宗

春雨

宋晨

金州山行

前人

金州觀海

溫景葵

金州道中

李輔

秋日寓懷寄四弟世發

林世興

丁丑會試不第歸而有感

前人

文七目錄

妻唐氏得暴疾三日殞作悼亡詩二首以節哀前

辛酉同孫衡公同年在京師除夕作

前人

遊龍王廟

前人

放風箏

前人

信天翁歌

柳培盛

和林東溪放風箏原韻

劉孔謂

擬就教職自况

前人

饑人歎

許文運

旅順懷古

喬有年

有感

李貴昌

凌水寺

前人

小平島

前人

題画梅

楊桂年

題石鼓寺

魏燮鈞

題響水寺

前人

春日漫成

高尚禮

春日登觀音閣

前人

重九登高

前人

曲氏井題詠并序

王志修

閻生筆歌

張之漢

文七目錄

戊戌中夏十一日偕山陰茹利賓遊勝水寺

涂景濤

哀旅順口甲午紀事

袁昶

哀旅順

黃遵憲

旅順口

羅惇彞

乙丑八月三日道出金州躬逢釋奠敬賦

康有為

響水寺題壁

前人

舟抵大連望旅順

梁啟超

由大連夜乘汽車至奉天

前人

由奉天却至大連道中作

前人

贈金州王岷源

高樹

旅大遊

賦答修慧長老於大連

冒雨至旅順感賦七絕二首

丙寅七月遊響水寺

往遊旅順觀博物館暨白玉山納骨祠

大連冬日口占

將自大連移居津沽

題璇閨課子圖為孫君寶田作

贈張伯川畫史

遊明秀寺

段祺瑞

前人

周學熙

前人

李經方

前人

前人

寶熙

前人

鄭有德

文七目錄

三

秋色

前人

春柳

邱宜祥

山中述懷

李義田

歲暮遣懷

前人

哭劉伯良老友

前人

山中雜咏

前人

金城訪友歸途口占

前人

哭王岷源

前人

黃龍墓

王永江

甲寅十二月廿六日在遼源作

前人

養病大連醫院

前人

星浦觀海

前人

丁卯八月九日鄉人觴余於龍王廟席上作

前人

題璇閨課子圖

楊鍾義

大連酒樓雅集同君九學部作

前人

酒樓雅集和楊雪橋太史韻

王季烈

題遼東為羅雪堂參事作

前人

題璇閨課子圖

前人

題曲氏井

前人

題閻生筆歌

前人

文七目錄

四

屏山題壁

前人

口占

高起元

鐵山垂釣

前人

旅中感懷

前人

壬子春遊旅順

金梁

和鐵隍赴旅順有感之作

成多祿

戊辰偕朱子橋遊旅順

謝廷麒

和袁性之

前人

和孫玉良

前人

庚午秋日將還舊京同社諸子祖餞於太白樓集韋蘇

州句成二律留別

徐宗浩

唐王殿有感

張朝鏞

踏青

閻寶琛

連灣車行遇雨作

前人

丙子首春曹君冠甲同張伯川畢大拙畢維藩孫玉良

孫慎之董荃忱結書画社老朽躬逢盛會幸得參加率

賦短章以留鴻爪

前人

詠水仙

鄭有仁

乙亥四月重游旅順

前人

戊辰重九偕履元登奎星閣

前人

文七日錄

同心源登奎星閣

孫福基

九日登金州城樓

王天階

隨時行樂

李維新

游天台

徐續生

寄友

前人

湖心亭

前人

壬申三月赴天台候舟海門

前人

題曲氏井

前人

題閻生筆歌

前人

生日

前人

重過瀋陽圖書館

前人

孫氏母訓敬題二十六韻

陳雲誥

光緒甲午中日之戰全州副都統幕書翰便王君死事

甚烈作長歌紀之

前人

弔忠魂有序

孫似樓

玉良函示中東戰役倭寇屠殺旅順事實題後

讀孫氏母訓敬題二絕句

前人

題全州副都統幕王記室死烈事

羅繼祖

題揚香岩司馬畫梅

前人

贈玉良丈

前人

文七目錄

六

無俚

前人

題曲氏井

前人

題閻生筆歌

前人

全州道

楊鳳鳴

哭張今頗制軍

李西

五十初度賜和甚衆仍用前韻賦謝

前人

贈王晉卿先生

前人

東北學社諸君子脩楔於昭陵未能追陪金靜庵代為

分得清字韻越日補呈一律以誌盛會

前人

龍島雅集

畢庶元

寫竹

同伯川慎之遊杏花村

題曲氏井

題閻生筆歌

登唐王殿

遊陶然亭

齊天樂 貞松遼東倚舍圖

晚泊趙州橋 調寄滿江紅

金州八景 調寄唐多令

以上詩詞

文七目錄

釣鯨臺辯

署金州廳分府司楊為考課事出示

署金州廳分府司姚為考課事出示

東園記

上張雨亭將軍書

孫奉之處士家傳

姜氏兩節母墓表

金州處士孫君妻畢氏家傳

孫氏母訓序

金州李孝子傳

董萬周

前人

孫寶田

前人

前人

前人

楊鍾義

陳萬清

鄭有仁

林世興

楊桂年

姚 鎔

溥 儒

王永江

王季烈

王季烈

羅振玉

許汝茶

羅繼祖

明搨琅琊碑跋
以上文

文七目錄

八

孫寶田

旅大文獻徵存卷七

全縣孫寶田編纂



藝文上詩

紀遼東

隋煬帝

遼東海上剪長鯨
風雲萬里清
方當鋒鏑散
牛馬旋即
宴鎬京前歌
後舞振軍威
飲至解戎衣
恨不徒行萬里
去空道五原歸

遼城望月

唐太宗

玄菟月初明
澄暉照遼碣
映雲光暫隱
隔樹花如綴
魄滿桂枝圓
輪虧鏡彩缺
臨城却影散
帶暈重圓結
駐蹕

文七

一

俯九都佇觀
妖氛滅

九都高句驪故都在今遼寧輯安縣有母丘儉破高句驪紀功刻石

全州山行

明宋晨全州巡導

窮谷無人到
瀟然對夕暉
匆匆南北鳥
都向茂林飛

春雨

前人

春水滿蔬畦
生意真可觀
造化本無涯
未須從頭數

全州觀海

溫景葵巡按御史

青山碧水傍城隈
驛使登臨望眼開
柳拂鸞黃風習習

江流鴨綠氣皚皚
浮槎彷彿隨雲去
飛霧分明自鳥來

極目南天紛瑞靄
鄉人指點是蓬萊

景葵字志忠大同人嘉靖舉人

全州道中

李輔巡按御史

萬山羅列靄熹微海水浮天白日飛滿地黃花迷野徑
數行衰柳掩柴扉客中多病寒偏早馬上看雲意獨違
擾擾宦游南北路不堪風動別時衣

秋日寫懷寄四弟世發

清林世興

少小闊胸襟松柏自有心萬憲期盡息擁書惜寸陰攻
取何頻來兩鬢雪霜侵仰歎山岳岳俯慚海沈沈夜坐
輒達旦懷古動賞歎負米李路貧閉門亦稱段荆璞泣
卞氏鐵硯桑維翰忽聞曉鐘聲反使方寸亂風起颯颯
秋河漢雲半收聊散中庭步華月照城樓獨覺意味清
可以忘隱憂隱憂人易老身外無須求我然尔如何尔

文七

二

亦思我不

世興邑人字孟常號東溪嘉慶辛酉科舉人

丁丑會試不第歸而有感

前人

南宮報罷整歸鞭纔得到鄉情轉難絕少黃嬌携榼贈
許多白眼隔街看芙蓉豈得嗟秋晚松柏生能耐歲寒
臭味差池誰能否室中原自有芝蘭

妻唐氏得暴疾三日殞作悼亡詩二首以節哀云前人
金母堂中點謫仙嗟卿脫殼渾如蟬遙違弱水三千里
誰設寶釵十八年篋內衣裳寧忍看床頭兒女弗安眠
曉來更是惱人燕猶自泥喃總帳前

昔日針工伴竹蒲屨將苦讀擬當途自慚福薄身終賤

縱使我榮尔亦無蘭蕙那堪風雨暴雲山空隔夢魂孤
恍如臨絕哀聲在窓紙蕭蕭增歎吁

辛酉同孫衡公同年在京除夕作

前人

臘盡皇都春欲交幽窓對坐靜無颺燈火重結頻煩剪
詩句初成嬾細敲小飲未堪茶當酒良朋幸得漆投膠
与君同是他鄉客今夜離懷怎即拋

遊龍王廟七律二首

前人

磴危徑曲點蒼苔海角龍宮到頂開庭豁秋空吞島嶼
室繞畫壁隱雲雷俯窺蜃氣凌風島坐待潮聲送月來
游賞莫嫌歸路晚人言此地近蓬萊

文七

三

龍王島扼海門東我輩登臨興不窮潮落潮生天地闊
人來人去古今同青雲有路雙鳧見碧水無涯一葦通
咫尺蓬瀛碑墮淚雪泥猶似爪留鴻

放風箏

前人

對對兒童笑語喧風箏長短各爭先可憐命薄真如紙
無奈心高欲上天翻影忽來紅粉閣愁聲吹徹白雲巔
憑空一綫因緣斷飄落人間瓦屋前

信天翁歌

柳培盛

富貴可以巧營致緣木求魚真得意名利盡從弋獲來
守株待兔何所利豈知得失自有天一飲一啄當隨緣

山梁雄雉聖心契靜觀物理不然不見江頭信天翁綠
藻嬉鸞鷺同魚鷹捕魚漁父逐獺嗜亦限畫縉中此翁
不曾矜毛羽晴日春深弄和煦綠楊隄上白舫前張口
順吞襍穢舞不貪天天所與白鳧鷺之粮幸勿茹食罷
一聲過江東好趁天風吹送汝培盛邑人字西塘道光丁酉科拔貢
和林東溪放風箏原韵

劉孔謂

清明何事致纏綿紙鳶高飛傳氣先漫道雲遮難向日
只看風順便朝天騰身好置三霄上刷羽曾經萬壑巔
賴有金繩多法力也應相引杏花前孔謂邑人字夢瑚道光己酉科優貢
擬就教職自况

前人

文七

四

日下風雲盛英雄出白屋濟時恨無才潦倒棲霞谷既
少石田耕每食常無穀是豈乏良朋不效窮途哭幸有
案頭書資之果吾腹磨礮硯幾穿塗抹筆欲禿年近半
百餘終日猶僕僕鼎烹非不甘食肉恐損福喜得二三
子勉我以豆粥

饑人歎

同治年荒金復州人逃難至岫巖情形

許文運

金復連年田水潦富家逃荒無老少大車小車聯絡行
一望不見邊關道剩有貧者難遠征近附岫巖來求生
携兒抱女連袂乞叫殺門前多不應斃斃老翁向余丐
自言行乞出無奈但得升斗可糊口不傍人戶惹犬怪

聞道天家賑不薄半為官府私腹削全將君王救民錢
還奉君王捐免爵忍欺天家忍欺民却望富人濟貧人
紅糧不許出海口幾個為富能為仁上官假公下濟私
米價忽騰三倍賞有錢能賒狼戾粒無錢莫啜狗餘糜
求官不得求富難欲延殘喘乞君前我聞翁言供一飽
却念調飢心愀然安得彼蒼而菽粟普濟千村与萬屋
老者常聞康衢歌少者不見窮途哭 文運岫巖人
旅順懷古 喬有年

矗立金山海氣橫唐家曾此駐雄兵銘功千載鴻臚井
酣戰三軍牧底城地接遼金留勝迹波連齊魯渡王京

文七

五

而今日暮散風雨猶似當年擊柝聲 有年邑人字春溪
同治壬戌進士
有感 李貴昌

居逸而無教人皆近獸禽綱常多倒置倫理少追尋
懶插紅塵足難回白首心一杯聊可酌肯与世浮沈 字子良
邑舉人
凌水寺 前人

古寺依山坳青山草木深只堪稱靜室豈足語叢林
風過幽花落雲未疊嶂陰一僧方入定客至不關心

小平島

前人

小島波心峙甸甸地勢平舟橫烟水閣門對海天青
遠見孤帆影時聞百鳥聲流連尋古迹高麗有遺城

題畫梅

七律六首同治癸酉四月寫於金州官廨

楊桂年

趁興揮毫紙正攤着花容易着根難冰心未必蟲能語
鐵骨翻教鶴欲盤竟返陽和何礙瘦慣經冰雪不知寒
會當寄語司香尉莫作群芳一例看

託根本自伴瓊樓閱盡嚴寒幾度秋得氣真擬春有脚
論心雅合月當頭潛移造化神都靜慣歷冰霜骨亦道
同是調和入世事漫將心迹寄羅浮

穠桃艷李總芬芳開到瓊葩別有香問我幾生修得到
為君終夜費平章酸鹹雅合調金鼎清潔直宜供玉堂
一品衣披九仙骨珊珊來自白雲鄉

文七

六

雲滿孤山雪滿廬清狂習氣未能除閉門惟解邀蟾魄
赴隴何曾問鶴書自是冬心多冷澹即摹春意亦蕭疏
山人倔強應猶昔欲學時粧總不如

亭亭骨立感離群古幹猶留繡蘚紋三尺五殘門外雪
一枝香綻隴頭雲寒能耐守誰知己熱不因人獨見君
莫把陽和太輕洩惹他蜂蝶鬧紛紛

滿庭積雪惟開窻底事芳心未肯降弄徹瑤琴空絕調
吹殘鐵笛總無腔東風不識來孤嶺春信何人寄隔江
紙帳宵寒眠不得相思一點對銀缸

桂年金陵人字香

舉人署金州廳海防同知有德政善寫梅陞奉天軍糧府知府

題石鼓寺

魏變鈞

訪問舊唐基聽僧說故事遺址不可尋佛刹即其地當年唐太宗卧病此駐蹕至今地藏前猶祀貞觀位昔名唐王殿今稱石鼓寺傳聞本荒唐考古無碑記俯仰千餘年令我空翹企惟餘廢井存拔倒水流去下有滴水壺俯視人欲墮亂峰高下撐向我逞奇異方知前所經尚未極深邃到此稱僻幽人迹真罕至夕陽歌下山又上紅塵騎變鈞字子亨号鐵民客依將軍幕中最久著有九梅集詩稿

游響水寺

前人

前山狹且深古木陰翳長隱隱見寺垣水近聲更響下

文七

七

馬繫樹陰徒步奮前往當道阻湍瀨踏石水濕網草穢行荒徑攝衣穿樹上岩瀑駭人鳴頗訝風濤蕩禪扉向山辟洞門窺殿敞中有泠泠泉飲之清且爽

春日漫成

高尚禮

辜負春風又一年連天草色碧如烟今朝醉更明朝醉盡夜眠還盡日眠啼鳥聲聲偏不醒落花處處始知憐

春光一去隨流水買得春回多少錢

尚礼字敬堂濰縣人庠生

春日登觀音閣七律二首

前人

觀音閣聳白雲巔石壁巍巍欲到幾曲灣環排石磴一泓清澈湧甘泉奇花绚彩人皆愛異草噴香我亦憐

的是神仙開勝境看来若個不天然

禪林一所傍山隈春日登臨眼頓開氣象萬千連渤海
關河綿邈接蓬萊峰危熊耳石皆倒徑險羊腸馬欲回
奇僻山光看不盡煙霞深處露崔巍

重九登高七絕八首錄四

前人

結伴登臨扶短筇翠微直上兩三層莫言此地高無極
要到白雲第一峯

峰頭已到任翱翔把酒高歌不得狂今日諸君須盡醉
一年佳節是重陽

重陽曉氣喜偏微鳳嶺龍山任客登滿眼秋光看不盡
黃花紅葉繞層層

文七

八

層層佳景愛周遭次第吟來興自豪醉後不知天已晚

日輪西下月輪高

曲氏井題詠并序

王志脩

光緒丙申人日受印全州又明日週視城垣詢及倭人
入城有無死節事僉指曲氏井而言曰是曲氏一門死
節處也求其詳不得乃諭其家人報聞知曲氏為全州
冷族世安耕鑿城陷之日其家婦女恐被辱相繼赴井
死井為之塞有救而蘇者無幾其蘇者有孀婦曲蔡氏
自十八歲適曲濂未一
年夫亡繼子奉姑歷二十七年打撈之始痛不欲生經
親族喻以大義以姑老為詞始勉就飲食多日猶卧病
床褥時與曲王其死者若曲王氏曲遷氏皆中壽婦其
氏等同邀旌獎

及笄未聘女三曲自當曲如嫁而生子女二孫曲氏並

其幼甥三孫桂生桂林揚寶慶携抱以殉之婦女者非能讀列女

之傳女史之箴也而見危授命潔水完貞可不謂難乎

詎其死節之期歲星一轉即金州城退復亦將兩月貞

魂之不揚守土者之咎也既已上請奏旌於朝復作此

歌乞扣於世庶幾風裏旌檀藉吹噓而更遠匣中寶鏡

經磨礪而愈光矣

曲氏井清且深波光湛湛寒潭心一家十人死一井千

秋身殞名不沈金州曲氏世耕讀家世雍雍閨範肅堂

上曾無姑惡聲入門娣姒皆賢淑家園有井供飪烹日

文七

九

日提汲泉源清有時人影照井底皎然古鏡涵虛明金

州十月倭奴來碾聲歷歷鳴晴宇者登埤力督戰援兵

不至城垣摧非我族類心必異入人閨闈無趨避多少

朱門易服逃誰知倉卒遵名義曲氏門內皆伯姬守身

赴井甘如飴節婦殉名女殉母傷心各抱懷中兒我來

全州理案牘夜夜夜深聞鬼哭曉起登城詢土人昔指

井邊曲氏屋抔土已葬荒井存門閭未表哀貞魂一時

時死義已足尊爭如節烈成一門吁嗟乎巾幗大義媿

官府欲薦黃泉應不吐城南崔井唐題名唐開元二年

鑿井於旅順合與此井同千古

口黃金山下

光緒二十二年歲次丙申正月九日分守金州古瑯琊王
志脩脩廬甫作於金州官舍之連椿簷

志脩山東諸城人字竹吾別署脩廬同治舉人

署金州廳海防同知後陞奉天軍糧府知府

閻生筆歌并序

張之漢

生名世開字梅又字籍金州振奇士也甲午中東之役
州城陷民咸避兵去生獨落落戎馬間懷奇蓄憤欲有
所伸敵軍方窺旅順地阻山險募嚮導謂生可賂以金
不從脅以刃益怒罵敵不鮮華語而文同輒抽筆伸紙
所書皆忠義之詞劍槩齊鳴筆走不輟敵怒遽擁出山

文七

十

麓間剖心肝以死噫閻生此筆足以撐天地泣鬼神矣
因為作歌

在秦張良椎在漢蘇武節

用正氣
歌句

奮椎難擊博浪沙抗

節直比胡天雪非椎非節三寸毫竟憑兔穎探虎穴十
軍直掃風雨驚披肝瀝血凝成鐵飲刃寧惜將軍頭振
筆直代常山舌頭可斷舌可抉刃可蹈筆可折凜凜生
氣終不滅吁嗟閻生古義烈閻生著籍遼海東繫心家
國身蒿蓬策衛喜讀劍俠傳斬蛇恨無隆準公海國無
端起戰霧天塹鴨江竟飛渡席捲已下金州城甌緹更
覓陰平路識途馬老用閻生銜冠意氣豈能平直將易

水悲歌氣激作漁陽搥鼓聲閻生髮衝敵目笑不通重
譯舌空掉抽筆憤書忠義詞飛雪刀光迸出鞘刀邊罵
賊怒裂眦擲筆甘就刀頭死心肝攪出泣鬼神淋漓血
染山凹紫嗚呼皇朝聖武開神皋鼓聲將帥思賢勞九
連城頭將星落顏軍斷後誰盤稍東南銅柱沈江濤太
阿倒柄憑人操十萬橫磨豈不利一割無用同鉛刀胡
為乎刀圍大帳筓鋒密挺然獨立閻生筆

右稿脫於光緒乙未首卷去閻生過難數月耳容脆薄暮某
友踏春雪來訪撥爐煮茗剪燭清談話及閻生事索原
稿就燈下觀之觀未半鼻孔翕張氣虎虎繞室走走已

文七

十一

復觀瞋目直視遽起而投諸火曰已矣勿再令見者痛
心而此稿遂亡忽忽三十餘年矣丙寅因事赴金州詢
其人鮮有知者歸憶舊稿強半在胸度歲稍暇因書出
之瀋陽張之漢之漢瀋陽人字仙舫光緒優貢民國
官東三省鹽運使著有石琴廬詩集

戊戌中夏十一日偕山陰茹利賓游勝水寺 涂景濤
雲根高嶂疑無縫偶被神斤闢奇洞洞天半絕塵蹤
誰壓巔屹起層棟傑閣聳出蒼松巔上有幽僧伴鶴眠
綫路穿林轉深峭盤空躡翠尋飛仙學仙當接芳尊友
安得蓬萊太平酒盡傾東海入杯中醉鄉直到無何有
酒酣拔劍歎汪洋長鯨未斬心憂惶菩薩低眉不我顧

曾經閱歷千滄桑青山青青不改色我欲住山猶不得
題名聊志游山緣石上長留數行墨

景濤長沙人字子衡舉人署金州廳

哀旅順口

甲午紀事

袁昶

金州鑠鑰東地維三面倚海背負岬戈船作塢軍器監
九攻九拒輸墨機添城蕩蕩無不有一旦雷轟資虜守
虜嗤主者先遁逃利器盡入倭奴手嗚呼海沸神怒號
奔軍應伏杜郵刀蛇盤鳥籠天險失奪還何日犁腥臊

袁昶桐廬人字爽秋官至太常寺卿

哀旅順

黃遵憲

海水一泓烟九點壯哉此地實天險礮臺屹立如虎瞰

文七

十二

紅衣大將威望儼下有窪池列巨艦晴天雷轟夜電閃
最高峰頭縱遠覽龍旗百丈迎風颭長城萬里此為塹
鯨鵬相擊圖一瞰昂頭倒眈眈何耽耽伸手欲攫終不敢

謂河可填山易撼萬鬼聚謀無此膽一朝瓦解成劫灰

聞道敵軍踏背來

遵憲嘉應人字公度光緒舉人官湖南按察使著日本國史人境廬詩集

旅順口

羅惇齋

我從海東游陸登大連灣言尋旅順口突兀海門闕緬
管我天險北管封喉咽掬角威海衛梯棧相鈎連眾山
東若箝海水聚如盆危峰拒天末下有蛟龍蟠天驕斬
我旁扼吭睨幽燕大開都督府森肅氣萬千眼中宰堵

波云是白玉山嵯峨表忠塔戰骨揜其間道旁有茶肆
一嫗迎客驩駢羅碎彈子列售求客錢云是勝俄物我
見增慙顏昔我建軍港營構垂廿年海軍置元帥鐵艦
如雲屯共道古湯池寇來不足填倭軍天上来不戰膽
已寒諸將迫主帥忍辱書降牋巍巍此神皋授敵痛忍
言和成乃割臺壁歸寧瓦全弱肉入俄手殫力求繕完
拜賜十年後倭辱始一瀟倭攻壘數月俄守一何堅併
命數萬卒俄敗無憊然險寧不足守我實甘棄捐夕陽
萬山黃迴步發長歎哀哉美山河攫裂寧久延湯湯東
海波鬱鬱扶桑巔精衛不銜石揜抑涕無端

惇融順德
人字瘦公

文七

十三

乙丑八月三日道出金州躬逢釋奠敬賦 康有為

中華禮失託殊方躬遇金州祭典煌俎豆莊嚴容肅肅
笙歌和雅樂鏘鏘血氣尊親于此見神明教化豈能凶
便作東方君子國舟通日照大同揚

有為南海人字長
素光緒進士

金州響水寺題壁

前人

金州城外百果羨瑤琴洞裏三里深尚記唐皇曾駐蹕
猶留遺殿可幽尋

舟抵大連望旅順

梁啟超

虎牢天險今誰主馬角生時我却來醉撫危舷望燈火
商風狼藉暮潮哀

啟超新會人字卓如号任公光緒舉
人與其師康有為等銳意變法為當

時維新之士著
飲冰室集行世

由大連夜乘汽車至奉天

前人

濛濛印沙月死瑟瑟搖風草黃一夜似夢非夢眼前千

里戰場

由奉天卻至大連道中作

前人

窮苦朔雪動征駢知為美遊為惡歸時人頗驚遼鶴返

長路終羞宋駟飛水赤磨刀判傷手月明繞樹怨無枝

橫流滿地見龍穴欲障泥丸力恐微辛亥革命軍起義於武昌啓超自日

本返國道奉天時蘇浙皖湘諸省先後嚮應知

清室瓦解遂次大連不進啓超時年三十九歲

高樹

文七

十四

金州人物秀且文王郎兄弟皆軼群延平一劍化龍去

干將孤舉摩風雲遼陽相逢始相識太息鳳鸞棲枳棘

著書自有一家言學劍恥非萬人敵戎裝率領鸛鷺隊

巡察州閭盜斂迹中外大勢瞭如掌餘事臨池供草檄

作書薦弥且徘徊大厦誰為梁棟材圍隸衛青登上將

書生謝艾夫邊才轉瞬騰驤達雲路遼陽父老愁君去

暫屈衙官辱大賢陪君同上金銀庫高樹蜀人字蔚然

旅大游

段祺瑞

重来四十年不禁悲与傷子徵鎮金州薌林旅順王時當

有此魯卿繼其後毅軍屯其旁甲午一戰後相率去不

遑旅大俄所租專橫恃力強比鄰偏鬪很促促走傍徨
不及十年間幾度荆棘場白骨塚如山表彰有一坊當
時豪傑士已盡還北邙榮華浮雲去火夢若黃梁
賦答修慧長老於大連
前 人

過獎懷濟急垂青許結緣再成君已久應策大羅仙不
待黃龍見翻悟釋迦禪祖師徒後悔卓識奪先鞭四果
阿羅漢自了不無偏弥陀佛普渡泛駕大願船慈悲同
信仰就正有道焉華夏如鼎沸紛擾十四年可哀蚩蚩
祇無辜被顛連小人何罪戾懷璧任烹煎少壯捐鋒鏑
威尊徒自憐老弱轉溝壑子遺命苟延離散無生趣閨

文七

十五

中泣杜鵑旁觀猶不忍况且任仔肩自維才德_數數日
旋坤乾職志久未達胡以補尤愆如何銷兵氣得解民
倒懸網紀期必立執持應有權四海昇平慶立馬昆侖
巔歐戰無人理綠氣毒蔓延死傷三千萬六十兆動員
慘劇勿再見人類悉保全宣揚大同化竭力聖功傳聖
賢英雄論兩載內外篇殺生佛所戒意味深淵泉惡_惡因
皆惡果循環如緣牽輪迴常轉轉死已起生前衆生累
世業大劫成自然規過多勸善造福應無_邊譬如須詳
盡務使入心田功德期圓滿同生極樂天橫超出三界
放眼遍大千
臨時執政十五年四月去職十六年游旅大

放眼遍大千

棋瑞合肥人字芝泉民國十三年十月為

冒雨至旅順感賦七絕二首

周學熙

卅歲先公攬轡臨于今遺壘尚崢嶸山川不盡興亡恨
日日潮聲有怨聲

欲訪羊公墮淚碑天寒霧雨正霏霏恰懷幾度滄桑後
猶是當年老令威

學熙建德人字緝之
民國官農商部總長

丙寅七夕遊響水寺

前人

萬松迷象壑一徑入仙居賓主情如故杯觴樂有餘清
泉喧亂石落日伴歸車好記雲深處他年共結廬

往遊旅順觀博物館暨白玉山納骨祠

李經方

滄桑幾度說前因山海依然氣象新自古若無興廢事

文七

十六

遼東今日尚遼人

烈士沙場白骨寒摩天高塔夕陽殘稱兵域外方為武
莫悞中原一例看

經方合肥人字端甫号伯行光緒
舉人官郵傳部侍郎駐日公使

大連冬日口占

前人

鷓鴣棲息一枝同關塞蕭條作寓公月冷於冰霜更白
雪飛如絮日猶紅幼安早帽曾浮海博望乘槎復在東
人事遷移渾不管圍爐談笑酒杯中

將自大連移居津沽

前人

呼僮竟日趣行裝一度遷移一度忙弱女牽衣含笑問
癡憨猶認是還鄉

題璇閨課子圖為孫君寶田作

寶熙

永叔傳荻書子瞻受滂傳向來玉泉流璇源資浸灌卓
哉孫母賢揚芬渤海畔懿德繼歐蘇雞鳴勸戒且辛苦
振門楣淋惠馴強悍誠至動人天孝感脫災難令子永
慕思丹青表尺翰傳合子政軌書留大家範叔世婦教
衰閨質越羈絆狂浸欲稽天懍懍此貞幹展圖緬遺徽
短述聊頌贊寶熙清宗室字瑞臣号沈盦
光緒翰林官學部左侍郎
贈張伯川畫史字伯川
金州人前人
我非畫中人頗明作畫理讀書期十年行路貴萬里造
化為師資名迹多研揣不隨俗轉移恒与古比擬胸懷

文七

十七

与眼界高曠無餘子精神在筆先山水驚知己所論雖
過高循途必如此張侯隱連濱坦坦歌幽履學畫數年
前遂擅江山美其氣最清深其筆有根柢綿密稱作家
粗野鄙時史再加洗伐功超妙歎觀止京邑善觀摩北
遊良有以別君僅三秋要當刮目視虛堂掛新圖咫尺
煙霧起勸君務專精藝進於道矣

春日遊明秀寺

又名朝陽寺
在金州城東

鄭有德

果然水秀更山明一畝禪林景最清無意間雲時出岫
多情好鳥自呼名當階潭喜紅鱗躍異代碑憐碧蘚生
杯酒同僧相對飲蕭然却盡世間情

秋色

前人

萬紫千紅莫怨空秋來佳致倍無窮
蓼花半襯萱花外黃葉新添綠葉中
採入錦囊詩句麗繪成繒稿畫圖工
不須更說東籬下金蕊方開有菊叢

春柳

邱宜祥

鶯黃鴨綠一般新春到章台最可人
幾樹清陰藏宿鳥千條細縷綰花駟
風調漢苑三眠候雨暗陶家二月春
小小蠻腰何娉娜移時相賞畫難真
宜祥邑人字吉庵光緒間思貢生
山中述懷
文章事業兩皆無瞥眼時光過隙駒
才短自應身落拓

李義田

文七

十八

途窮那堪鬼揶揄青山伴我軒扉敞
白髮憎人盥櫛疏差幸年來腰脚健
吟筇隨在不須扶
義田邑人字在旗號薑隱光緒舉人
歲暮遣懷
前人

轉轂年華歲又闌幾多情緒觸毫端
風聽海面潮時大雪積山頭高處寒
世事真如麻更亂壯懷未信酒能寬
竭來打掃塵心靜堆案群書久不觀

哭劉伯良老友

前人

曾聞談笑保孤城九鼎一言敵亦驚
庚子之亂俄人擬金州城內匿有華兵欲架砲轟之君聞訊急詣俄將笑謂必無其事願誓以身保嗣俄將查實城賴以全父老多德君生平見義勇為皆始信經綸歸隱逸真教韋布陋公卿
君生平不見義類也

時即絕意仕進花間時寄琴書趣海外爭傳書畫名君書畫均佳東人得其一縑皆七十精神猶矍鑠不應一疾騎長鯨

山居雜詠七絕二首

前人

一角茆亭雲霧裡恍疑身在武陵源世人莫問秦耶漢
流水桃花兩不言

小小軒窗四面開海容山色近蓬萊不須採藥雲深處
煙徑蒼茫迷去來

金城訪友歸途口占七絕三首

前人

柳未青時杏未紅出城一路紙鳶風憑君莫問春遲早
我已瞠然作老翁

文七

十九

洋場樓閣轟雲霄往迹何須溯六朝斗大孤城春孰主
風光淡蕩水西橋
車行不厭故遲遲一路窗欄縱眺宜海色山光都入目
故鄉風景繫人思

哭王岷源

前人

文字結交三十年感君高誼薄雲天菀枯不雜時流見
書簡常勞驛使傳致病多因憫水火居官縱不為金錢
而今風骨儼猶在回首前塵迹惘然

黃龍墓

王永江

俄人租借旅順建砲台於黃金山掘得一墓有弓矢

刀矛碣題曰黃龍墓考明人筆記黃為登萊巡撫部下總兵以追孔有德耿仲明叛降滿清戰於旅順力絕自刎而尚可喜亦遂降清

崇煥無謀文龍死孔耿已降餘可喜桓桓忠勇黃將軍追賊舟師破浪駛迴軍獐島保南陬轉戰風雲黯淡愁力盡孤臣懸海外從容刎頸麗譙樓降將招降復及尚遼東從此無漢將空餘碧血化萇弘三百年來金山上墓中劍矢土花斑碣畔刀弓血跡殷西海至今秋夜月靈旗來往怒潮間太息當年明社屋而今皮島居他族曼殊終失漢山河地下忠魂應痛哭鬱鬱佳城誰為開

文七

二十

九原不作應心摧土非乾淨耻居此寧使英雄骨化灰孔耿尚王今安在一般茅土成荒蕨爭及將軍有遺芳

姓名並峙黃龍塞

按崇禎六年正月叛將孔有德耿仲明聯袂至旅順說守將尚可喜共降於清是年七月孔有德等率新附軍為嚮導嚴旅順

總兵黃龍與部下諸將抗戰力盡自刎於黃金山下

甲寅十二月廿六日在遼源作

前人

今年之年餘四日明年年已四十四棄我去者已往之年不可留驚我心者未來之年復何似天生我才寧無用抗顏強作風塵吏汲轆已遭漢庭妬惠直更被魯人忌鈴閣還聞羊祐嗟新亭不灑夷吾淚愧無柔骨媚公卿賴有淡泊堪明志頻年到處負虛名邊城又携清風

至四野忽聞禱袴歌一官自媿匏瓜繫朔風寒雪逼年
光明歲悠悠置何地人生隨遇貴相安走俗抗塵非吾
志今年莫復問明年且向樽前陶陶醉

永江邑人字
岷源号鐵龕

前人

養病大連醫院

欲從海島覓仙丹那識長桑再世難仙佛無心空色相
山河風景易悲歡千家榆柳更新主一片帆檣卧舊灘
曲水橫飛驚夢起高樓無語倚闌干

星浦望海

前人

茫茫滄海逆潮流樓櫓金弋競上游三十六天風力霸
四千萬棹浪花浮岸穿螻蟻隄將潰水沸蛟龍帆不收

文七

二十一

眼看狂瀾胥及溺空餘杜宇泣神州

丁卯八月九日鄉人觴余於西海龍王廟席上有作前人
抱病因循兩月餘出游頓覺眼心舒高憑龍島觀潮至
俯瞰鯨台待釣初世運難逢東海老巖虛漫咲北山書
座中我欲推杯起似聽錢塘吼子胥

題璇閨課子圖

楊鍾義

可之有作追皇甫明復談經動范公東海名家為世重
北堂遺訓感人同機聲燈影兒時味劍膽琴心國士風
老我有懷常不寐教忠空自付飛蓬

鍾義遼陽人字子
勤号聖遺別署雪

橋光緒己丑翰林官江寧府知府
著有雪橋詩話聖遺詩集行世

大連酒樓宴集同君九學部作

前人

鶴語來何晚龍蟠地有靈酒痕重釀碧山色四圍青彬
雅資群彥淵源在六經欲求文軌合更與訪東溟

酒樓宴集和楊雪橋太史韵

王季烈

把酒澆胸塊吟詩適性靈亂時頭易白古道眼常青野

史遺山稿離騷屈子經遠人來問字不憚涉重溟

季烈長洲

人字君九号煥廬光緒甲辰進士官學部郎中
專門司司長著集成曲譜煥廬曲談煥廬稿

題璇閨課子圖

前人

好東新絹幅為繪蓼莪章耕讀家風古詩書世澤長丸
熊資刻苦寫象寄哀傷我亦悲風木披圖淚欲浪

文七

二十二

題遼東倚寓圖為羅雪堂參事

前人

大好家山鑑水旁無端蹄迹逼人狂難求表聖王官谷
誰拜康成通德坊遠引未紓憂國切得閑猶為著書忙
乘桴我亦從公後共此河清願待償

芒碭雲氣海之隅此地龍蟠近故都白水應符期可俟
青山高隱適無虞魯詩遐想公劉業殷禮能徵太卜徒
並世誰為元結頌願君珍重不訾軀

題曲氏井

前人

曲氏門中眾女子不甘受辱甯甘死強敵尚未來相率
投井底井水至今清且淪似此英烈貞潔之芳魂我歌

曲氏井以媿朝秦暮楚人

題閩生華歌

前人

本係同文兄弟國闢墻釁啟却何為堪憐碧血沙場上
都是忠臣義士尸

高顧深目是天驕陵轢全球禍未消寄語從今東亞地
不宜同室更戈操

多殺未為仁者師賞功不及固其宜閩生雖死應無憾
取義捨生敵國知

北屏山題壁

前人

半年苦旱望甘霖我到金州輒雨淋今日非闕游覽至

文七

二十三

為求雲霓慰人心

口占

高起元

慷慨辭塵網行藏問弔竿十年滄海曲獨倚暮潮寒

鐵山垂釣

前人

偶辦漁竿命小舟西風十里海天秋蒼茫老鐵山前水

一角斜陽掛釣鈎

起元滿洲人字孟賢原名國松
光緒舉人僑寓旅順教授生徒

旅中書懷

前人

絲絲涼雨故山秋離緒蕭騷附杞憂永夜蟬聲空怨瓦
十年燕子尚依樓天涯馬角生殘夢海上雲心倦遠遊

邊柳不緣青女妒霜痕搖落古營州

壬子春游旅順

金梁

海色蒼茫落日黃潮聲嗚咽泣殘陽春風猶是帶秋氣

大好山河作戰場

金梁滿洲人字息侯光緒進士署新民府

和鐵隍赴旅順有感之作

談國桓字日玉庵号鐵隍

成多祿

一別金州雪滿身河山破碎豈無因幽懷未免鵑思蜀

往事空談鹿逐秦愁對櫻花搔短髮強浮竹葉醉餘春

樽前一樣滄桑感獨倚東風憶遠人

多祿吉林人字竹山号澹堪

戊辰偕朱子橋遊旅順

謝廷麒

雞冠山畔石崔巍鳩居寧知一念非陳迹於今遺劫火

飄零故壘對斜暉

廷麒寧羌人字泗泉別署覺非庵主官四川鹽運使工書畫精於岐黃

文七

二十四

和袁性之

前人

世事滄桑說已遲耐寒孰競老松姿聯吟携酒曾相約

星浦月明潮上時

和孫玉良

前人

九度年光遼海濱索居賴結素心人偷閒靜鍊壺中藥

小隱難尋世外津逐處瘡痍莫起禹連天烽火未亡秦

埋頭細譯東西史感慨興衰認爪鱗

庚午秋日余將還舊京同社諸子祖餞於太白樓集章

蘇州句成二律留別

徐宗浩

往遊愜始願清言怕道心水木澄秋景空齊對竹林物

累誠可遣芳樽遂盈斟况逢文翰翰侶永日獨沈吟鬢然

生幾縷三載寄關東亂緒凌新節歸心伴塞鴻無嗟十

里遠聊復一樽同別思方蕭索淒淒多朔風宗浩武進人字養吾

琬石雪書宗趙子昂竹學文与可著有石雪齋詩集

唐王殿有感

張朝鏞

一雁破谿烟群峯近暮天石床猶可坐銀杏不知年野

寺秋寒重澄空海氣鮮唐王窈何許望古意悠然

踏青

閻寶琛

八百諸生踏遠春繁花似錦草如茵笑予垂老稱頑健

猶逐青年步軟塵

寶琛邑人字獻廷光緒甲午科舉人

文七

二十五

題扇

前人

冷暖人情總未知休嫌疏懶寫來遲秋風眼底雖無用

藏器何妨靜待時

連灣車行遇雨作

前人

乘興輕車載兩行連濱縹緲接蓬瀛願將一邑留真錄

豈為千秋博盛名人物至今誰健在山川終古是多情

董狐已邈溫公逝回首滄桑百感生

丙子首春曾君冠甲同張伯川畢大拙畢維藩孫玉良

孫慎之董荃忱結書畫社老朽躬逢盛會幸得參加率

賦短章以留鴻爪

前人

輝煌四座盡琳琅雅集群仙共一堂俯仰古今參畫稿
唱酬詩酒快飛觴凝目妙筆烟雲繞拂面春風翰墨香
老眼欲舒何處是高樓日出瞰扶桑

詠水仙

畢序昭

斜烟淡月近黃昏斗室春回白玉盆偶向人間留倩影
早從石上託靈根色添蘭葉三分翠香借梅花一縷魂
最是曉窗風定後凌波微步渺無痕

序昭邑人字宗武
晚号蔗農庠生

乙亥四月重游旅順

鄭有仁

憶從軍港北洋修三十年前此地游考古新來博物館
窺園幾遍太陽溝井存山麓銘功在塔矗雲霄戰跡留

文七

二十六

滿眼風光看不盡一聲汽笛又金州

有仁邑人字
心源庠生

戊辰重九偕履元登奎星閣

前人

酌罷黃花酒數升登山鳳嶺不須登共君且向城頭步
直到奎星閣上層

同心源登奎星閣作

孫福基

閣中奎宿像新修約向城頭作勝游桑酒誰領蓬島客

菊歌欣和曲江秋

福基邑人字
履元庠生

九日登金州城樓

王天階

荆棘叢生雉堞荒登臨蒿目感滄桑人煙蕭條經兵燹
衙署傾頽作市場幾樹寒鴉秋色老一聲孤雁客心傷

蒼涼晚景憑誰賞楓葉飛紅菊綻黃

天階色人字仲升
号南溪優貢生

隨時行樂

李維新

光陰荏苒值清和風不揚塵海不波
山至夏時真如畫雲非秋日也如羅
細聽葉底鶯聲巧深見花間蝶舞多
到處風光皆可賞何妨携手唱行歌

維新邑人字
景周庠生

游天台七律二首

徐續生

三千里路到天台倚杖聽泉咲口開
幽壑迴環幽壑曲一峯過去一峯來
水流咽石聲喧耳山色迎人綠滿苔
不待片雲頭上雨山靈也會把詩催
此山歷史幾千年劉阮遺踪已化煙
跋足不嫌登陟苦

文七

二十七

摩崖欲把姓名鐫秀餐看飽千山秀
仙眷難逢二女仙到耳忽驚風雨至
回頭瀑布濺衣邊

續生邑人原名駿
聲字通文庠生

寄友七絕三首

前人

看山看水癖成貪勝地名區著意探
報与故人游屐履

杏花春雨在江南

粗將蹤迹報君知鄧尉觀梅十日遲
百里台山遊已徧

普陀隨喜慈雲祠

西子湖邊携眷遊岳王墳上小勾留
雙雙共作春申客又向天涯同泛舟

西湖亭

前人

四面雲山四面湖湖心亭上一塵無朝暉暮靄殊形相
漪影嵐光入畫圖花鳥欣欣禪悅靜樓台落落客心孤
怕教辜負春光好日對青山倒玉壺

壬申三月赴天台候舟海門

七絕五首

前人

滄溟萬頃繞門前隔岸峰巒翠到巔多少風光春照眼
山邊楊柳水邊船

海國生涯半釣槎朝朝佐食飽魚蝦漁翁欲作醉鄉客
隻手提壺問酒家

海濤日夜響淙淙帆影嵐光送到窗携手姪人憑欄立
夕陽寫影影成雙

文七

二十八

詩腸慣藉酒杯澆午睡初醒酒已消起坐推窗風浪靜
郵亭直對海門潮

遠山渺渺日將昏醉裏朦朧別海門十日淹留詩百首
他時應繞夢中魂

題曲氏井

前人

節烈貞操萃一門井花寫影永留痕可憐一死存風義
千古誰招水底魂
婦女齊爭日月光能教一死立綱常胭脂却被君王辱
此井常留姓氏香

題閩生筆歌

前人

常山太守舌尖血金郡書生筆下刀罵賊甘心拼一死
後先暉映兩奇豪

甲午迄今四十秋漬沙碧血跡仍留強魂毅魄歸何處
讀罷峯歌淚欲流

生日七絕五首

前人

苟活人間六九春何堪回首說前塵幾番經過滄桑變
浪漫天留不死人別署待
死漫人
吟哦書寫且怡情嗜飲客來鬪酒兵不作些些無益事
如何遣得有涯生
茫茫大地起烟塵患難只因有此身偏是傲霜留晚節

文七

二十九

菊花香裏度生辰
飽人浩劫歎紅羊七十年来幾感傷到底顏唐有何用
徒留老眼看滄桑

老朽天留頑健身又逢六十九生辰慰懷尚幸瓜瓞
子女孫曾十八人

重過瀋陽圖書館七絕三首

前人

八載舊居埋蠹魚當時眷小賦同居而今滄海桑田變
門外經過感歎歎

庭中樹木手親栽劫火遭來尚未灰昔日青葱今老幹
摩娑興感幾徘徊

花園登陸萬餘人誰作干城固吾圉鎮軍馬步祇兩營
楚軍三營亦奚補淮軍人數雖較多統領聞風氣先沮
謂言受命中堂公專守礮臺不禦侮一紙求援無奈何
使達盛京路險阻但求速解金州圍旅大不忘在此舉
一生九死誰敢任慷慨王君冒艱苦不幸遇敵李家屯
馬蹶坡陀身被虜倭軍慘酷施毒刑百折不撓忘痛楚
終然搜得懷中書罵賊皆張髮森豎寧為玉碎無瓦全
觸石舍生義自取時在冬月朔日晨撒手懸崖遽千古
君不見練兵海陸三十年北洋李相專其權徧部淮軍
舊部曲鄉邦親故皆飛騫卒情將驕作氣勢棘門霸上

文六

三十一

非中堅勝負先機不戰決欺人未已還欺天辱國喪師
不足道割地賠款思苟延臺澎忍痛委異族遼東幸免
淪腥羶書生名不隸軍籍但司筆札襄旗員奉使盛京
不辱命臨危為國身軀捐維被偷生乞憐輩干謁當道
皆超遷王君恤典獨不及姓名湮沒隨風煙吁嗟乎王
君浩氣塞兩間景行遺烈無愚賢豈徒史筆千秋傳
甲午後六十八年歲次壬寅仲秋望前六日舊史官易
水陳雲誥時年八十六

弔忠魂有序

孫似樓

清光緒二十年歲次甲午倭夷入寇余隨侍金陵聞吾

鄉人左忠壯公

諱寶貴沂州府費縣人

殉節海軍慘敗李傅相鴻

章割地議和普天同憤而李不顧也改元後六十有八年金州孫玉良函述當日金州副都統幕記室王君奉使乞援被虜死事經過囑為詩以表之金謂王記室既不隸軍籍而罵賊觸石以身殉與左忠壯公並足千秋以視同時擁兵自衛屈體求和者賢不肖為何如耶余學識淺陋不足以表揚忠烈而讀玉良叙述王記室當日死難情狀不禁肅然起敬日有是哉王記室之殺身以成仁也雖古忠臣義士何多讓焉惜乎名字不傳卹典不及玉良獨詳叙事實並徧徵詩文表揚之王記室

文七

三十二

英靈不泯亦可以稍慰矣敬成俚句藉誌景行

海疆要塞是津門捍衛遼東顧本根單騎乞援非得已奮身不惜走山村

合肥宰相妄稱強海上非同舊戰場域下尋盟甘割地九原毅魄亦心傷

突來倭寇勢縱橫眾寡懸殊怯勁兵淮上將軍皆怕死此君身殞氣猶生

李家屯外土城村忠骨長埋有舊痕野老自能談往事不勞史筆表忠魂

壬寅仲秋八十二叟孫似樓

似樓山東鄒城縣人各忠亮以字行宣統己酉拔貢

中東戰役倭寇屠殺旅順事實題後

前人

臨事成謀自帥始統率諸軍臂使指况值強寇壓境來
剝那勝負繫生死倘非統帥善運籌胡能發蹤隨所使
回憶倭寇寇海疆沿海防軍嚴壁壘比時毅軍姜桂題
楚軍淮軍近尺咫金州鎖鑰稱嚴疆卒隋將驕同一軌
諸軍渙散不知兵棘門霸上兒戲耳楚軍偏師獨善戰
殲厥渠魁震遐邇諸將皆作壁上觀休戚不關秦越視
前仆後繼竟無人轉勝為敗不移晷倭軍殘暴恣屠殺
一旦山河失表裏他兼將相主和我伊何人斯合肥李
尸居保位萬骨朽辱國殃民利一已割地甘為城下盟

文七

三十三

千載長留禹甸耻孫君玉良有心人恨不當時中流砥
追維往事七十年痛定思痛良有以詳細始末振筆書
慘劇他年存信史吁嗟乎左忠壯公誠壯烈宋慶何曾
折一矢一時將相維偷生死者無辜長已矣甲午一敗
伏禍根京畿淪陷年庚子愛國聲浪海外來種族政治
持宗旨外患日亟內亂生盜國竊鈎胡底止爭權攘利
動干戈倭寇乘機肆張弛五三五七詐能忘親善兩字
掛唇齒鬼蜮無非為愚民誰能識破是譎詭人心先死
歎陸沈可有班超援筆起

甲辰長夏八十四叟孫似樓稿于京師寄寓之四素齋

讀孫母遺訓敬題二絕句

前人

全州故事至今傳和惠懿行頌母賢三十六條遺訓在
愨勤教子媿三遷

母氏惠祥慶有師慈恩鞠育寸心知機聲燈影天寒夜
想見荻灰畫字時

甲午戰爭全州副都統幕王君死難事

羅繼祖

閱年忽七十遺事記甲午吁嗟彼何人綢繆忘牖戶王
君職記室銜命叩大府身繫義不辱捨生甘鎖斧職微
卹弗及默默痛終古何來記一篇南八差等伍所惜名
字翳史闕誰當補窮簷話李屯壯烈恍親覩奮筆感者

文七

三十四

黎浩歌激蒼宇

光緒甲午中日之役我軍失利全州垂危副都統連公
順遺其記室王君懷蠟丸書乞援于盛京王君行至土
城子李家屯為敵所獲罵賊不屈觸石墻以死以職微
恩卹不及名字亦翳如矣玉良文據故老傳說作記以
補史氏之闕甚盛事也辱郵寄商榷且索詩感歎之餘
敬賦短章聊塞雅命文又寄示陳藝廬太史孫似樓明
經兩詩故未語及之一九六三年歲次癸卯四月十一
日羅繼祖書于長春吉林大學第四宿舍

題揚香岩司馬寫梅

前人

邊城賢貳尹發墨寫寒梅利器槃根見斜枝帶雪開色
空香亦暗年遠跡逃灰驗取盈襟意嘔吟徧草萊

贈玉良丈

前人

渡海居成俗千秋尚在人
陔蘭娛養志風木慘無春耕
鑿安儒素河山沒戰塵一編闡嬾學未用苦逃秦

無俚

前人

語默都無俚看天忍涕洟
饑憐陶令拙窮奈步兵癡
蠻觸爭殘壘鷓鴣失故枝
如聞釜豆泣變徵不成詩

題曲氏井

前人

節義在人心何殊膾炙美
所以曲氏門倉卒甘一死
古

文七

三十五

井靜不波貞魂實視此賢
宇感芳烈請旌式閭里寶鏡
礪愈光直筆繼中壘孫子敬
桑梓梓鄭重闔筆比授簡徵
我詞清風襲蘭芷獨傷祀教
淪末俗尊繩紫靡靡一世
間憤嫉徒抵几

題閩生筆歌

前人

島夷狡逞陵中夏燿師夜哭
遼東野廊廟無人鑄此錯
閩生閩生真健者撐天泣鬼
褫敵魄飲刃如飴晏然也
我讀張叟絕妙詞哀時熱淚
聊一灑

金州道

揚鳳鳴

明珠合浦幾時收國破山河恨
未休到此無端增感觸

孤城喬木古金州

鳳鳴天津人字岐山

哭張今頗制軍

名錫鑾錢塘人官東三省總督

李西

憶昔曾為座上客菊花杯酒五更寒頭顱故我頑猶在
獨感將軍青眼看

西望沽上路漫漫噩耗傳來淚自潸欲向靈前一慟哭

連天烽火阻關山

李西邑人字東園

五十初度自嘲賜和甚眾仍用前韵賦謝 前人

剎那歲月感蹉跎如此年光夢裡過守我衡門計未拙
感君珠玉贈來多春風不棄茅齋隘醇酒難澆濁世何
屬付山妻勤紡織征徭惟恐到烟蘿

文七

三十六

東北學社諸君子脩楔於昭陵未能追陪金靜庵代為
分得清字韵越日補呈一律以誌盛會 前人

昭陵王氣自縱橫瞻望觚稜想太平石馬有靈驚歲改
滄桑無度幾時清羨君脩楔多風雅媿我塵勞負此行
他日蓬門如枉訪定當倒屣遠相迎

贈王晉卿先生

名樹枏桐城人

前人

平生最喜愛山居還我茆齋讀我書亂世不妨聾和啞
拔山無力竟何如

龍山雅集

畢庶元

當年羊叔游行地遺事留傳說峴碑今日同君一臨眺

龍山千載繫人思

庶元邑人字
乾一號大拙

寫竹

董萬周

寫出瀟湘竹綃生六月寒居然高士節不耐俗人看

同伯川慎之遊杏花村

前人

偷得閒身郭外行
熟梅天氣半陰晴
春寒減却游山興
不為看花不出城

淺草如茵一剪齊
看花初過板橋西
依依弱柳垂金綫

半護人家半護隄

萬周邑人
字荃忱

題曲氏井

孫寶田

乾綱久不振
坤維亦將絕
誰歟捐此軀
以博堅貞節
賢

文七

三十七

哉曲氏媛操守勵冰雪不肯受敵辱
投身寒潭潔可憐
水底魂懷抱息猶弱采風賢
太守摘藻表休烈俾尔巾
幘中奉此為圭臬
距今五十載淳風何遽滅
廉恥蕩然
盡名教等虛設
誰起振綱常
人禽使有別
狂瀾迴既倒
浩然正氣結

題閩生筆歌

前人

疾風知勁草
板蕩識忠臣
臨危不屈撓
彌見浩氣真
吾鄉閩梅一吐
咤生風雲
讀書破萬卷
氣足雲夢吞
慨當甲午役邊地
起煙塵海隅失天險
王師不復振
鳩據鵲之巢
歷境懾強鄰
強敵不識途
指南迫閩君
君性奮忠

義走筆罵敵軍斧鉞非所避殺身以成仁視被守土吏
媿此隴畝民關心世道者載筆述清芬上書達史館文通
丈具其事實風詩輜軒陳仙舫都轉我今讀此詩臨風
寄清史館懷伊人高躅榮杉榆流風異代新河清會有日為君勒
貞珉俾知遼海畔尚有歲寒筠

登唐王殿

前人

登高望遠豁吟眸古刹人稀分外幽樹色遙連三面水
山容近送一天秋龍蟠虎踞皆陳迹杜斷房謀枉運籌
故壘蕭條餘霸氣石城依舊枕寒流
游陶然亭

前人

文七

三十八

探勝宣南此地來陶然亭上且徘徊
比鄰梵刹龍泉舊當檻城桓雉堞摧
往入叢蘆車似艇墳多宿草骨成灰
亭旁多叢塚蒼茫弔古情無限豈獨江南庾信哀

齋天樂

貞松遼東
倚舍圖

楊鍾義

將軍山畔羅含宅殊鄉頓成高寄漢鏡微銘魯詩在壁
留得經生風味杼亭危椅看海水群飛連山夾峙暮靄
朝陰迴環芒碭舊雲氣倚天長劍萬里乘風誰與共
卷開清霽象鳥啁啾孤松磔硤惟有素襟不易藜床坐
穴定未是幼安東來初意老屋寒坡百年詩卷裏子家
遼陽
故居不可復尋矣○將軍山在
旅順太陽溝北山崖上

晚泊趙州橋調寄滿江紅

陳萬清

一葉輕舸早歷徧青山千疊凝目處煙波浩渺水天一
色落日半竿帆影白嵐光一片波紋碧聽幾聲牧笛和
漁歌闋情切 觀天際鴻飛疾聞古寺鐘聲咽對一樽
美酒滿川風月久矣浮雲看富貴名韉利鎖從茲絕望
故園煙水幾千重歸心急

全州八景調寄唐多令

鄭有仁

道院靜無煙潺潺聽響泉這東山異境天然最是游人
銷夏處琴洞外洞瑤琴畫橋邊 入耳俗聲湔渾忘六月
天倦游時石鼎茶煎除却洗心軒上話軒為周邵兩氏
所築有周緝之

文七

三十九

題眠一覺且聽蟬 (響水銷夏)

攬勝步龍巖窗虛向壁間

短垣內精舍壁
間洞開西牖

望海天一片

雲帆影影如歸猶未動須待到日西街

舉網海風鹹

波平鏡出涵傍回樞語燕喃喃次第蓬收船泊岸沽釀

煮新城 (龍島歸帆)

古寺過朝陽山山暮色蒼趁西風瑞雪飄楊僧踏瓊瑤

歸路晚雲衲濕燎鍋旁 曉起掃佛堂經窓透日光望

前塘梅折松僵惟有喜晴簷際雀飛上下引空吭 (

朝陽積雪)

仙閣聳崔巍新晴而未稀騰殘雲檻外橫飛試看墻陰

松濕處相掩映透朝暉 和得篆烟緋隨柳曳縷稀有
時間去住忘機客縱游來迷石磴遮不斷磬音希
南閣飛雲

千古一鯨臺登臨亦壯哉惜留題字齧石苔
其南面微凹中刻有
釣鯨臺三字右側有遠接烟波灘外路今臺去海空倚
題款模糊不可識矣
傍北山隈 鷗夢漫相猜月明自去來幾多時青艸碧
鞞對此不禁桑海感車停處久低徊
（鯨臺吊古）

十里路縈灣屏山古洞環有如來石像天然翅鳥翩翩
疑解舞誰又說石頑堅 泉滴俗塵刪仙音出壁間鼓
敲殘磬擊嫋嫋
石佛右側石壁多孔扣之聲相應若鼓磬然
一抹水痕肩濕

文七

四十

處遼東志有泉滴佛前石鉢欣照徹夕陽殷
實滴佛前右肩終年不乾
洞自西南故日到斜

西時洞
內照徹
（佛洞滴泉）

大好黑山城卑沙舊有名
遼東志金州衛唐以前同海州舊有卑沙城對斜

陽一抹霞橫返照殷紅煊碧艸城下路認分明 驅犢

畫中行飛鴉古樹爭照殘些宮殿唐營
城中有唐王石殿點將台

堞於今猶存在剛割眼暮烟平
（山城夕照）

古柏晚烟封城西兜率宮警癡聾更響梵鐘餘韻風傳

濠柳外攔不住過城墉
城濠植柳寺在濠西夜色月溶溶陰移

殿閣重萬千家睡破酣濃傍晚時聽僧棒擊除拜望
此鐘

每月朔望始擊掩闕鐘
（兜率晨鐘）

藝文下文

釣魚臺辯

林世興

全州西枕大海灘北山下有大石屹立高一丈闊八尺厚三尺南一面正中鑿如龕形偏左刻釣鯨臺三字字約及尺其右似有題款然剝落不可識矣人皆言此与富春嚴子陵遺跡無異惜其世代無傳姓名無聞有幸有不幸也余獨以為不然臺去潮所常至處尚有半里非期望前後大潮水固不至也即大潮水至亦淺不過膝不能容鯨之大也何以釣鯨乎豈滄桑之變古今不同歟且果不同今其積水當不知幾尋矣可以容鯨之

文七

四十一

大更可以滅臺之頂也誰能垂而釣乎嗚呼此特昔之好事者偶因其不通^通而為之也斷不可信或曰非此之謂蓋術士用之以厭海患也亦屬不經惟其筆勢遒勁余過之輒流連不能去云

署全州廳分府司楊為考課出示

楊桂年

為觀風事照得金屬南邦巨鎮東土繁區人物駢興文才蔚起乘風破浪銀海浮槎舉手摘星筆鋒成陣所以鳳起蛟騰之士連類而升山暉川媚之姿待時而動也本署分府金陵舊族江左凡儒幼入黌舍未及終軍之弱冠晚叨鶚薦已慚鄧禹之笑人緣擾攘於干戈致毀

焚乎筆硯文章憎命餅難啖乎紅綾饑餒驅人縮已羈
夫墨綬然雖一官匏繫書生之習氣未除百里才疏文
字之因緣可接今擇于十二月十一日扃門考試為此
示仰閣屬生童於前三日赴署報名屆期黎明赴書院
聽點門下登龍管先窺豹瀾翻告本千頃而莫測汪洋
艷發心苗一字而莫能增減詩擬神助春草白豈必稱
奇筆有珠垂簪花格何難媲美論期雪亮語羞雷同難
賡和于陽春曾知有竹洗光明于雲水眼幸無花務盡
一日之長愈徵十年之養果其篇成斗酒何妨醉倒玉
山倘教燭盡三條不免罰依金谷各宜奮翮勿有遐心

文七

四十二

署金州廳分府司姚為考課出示

姚 鎔

輜軒軹鐸廣詞寓施教之權芹藻鸞旗多士胥從公于
邁採風問俗有自來矣本分府備員冀北曾瞻詞翰之
光奉檄東幸見人文之盛過琳園而搜珍異入藝苑而
選名言攬轡登車處處皆馬蹄秋水握符敷政時時若
虎尾春冰金州古號榆林界臨岫復東海西海效其靈
赫山屏山鍾其秀國朝二百餘載休養之恩久深涵泳
此地一十二旗人民之眾徧聞弦歌以公務之餘暇乃
有感於斯文將欲樹厥風聲豈惟較其優劣茲定某年
月日在南金書院開課觀風本分府揣摩功淺景仰情

殷雖無玉尺以量才願借金針而度法為此諭城鄉各
該生童等須先期戾止爭自琢磨勿雷同勿剽竊金城
價重朗朗發金玉之音海國文高洋洋抒海潮之議看
今日庠序之地即他年蓬瀛之俊續紛藻緣不媿為一
郡鴻儒獎賞花紅聊酬尔十年蛾術

東園記

溥 儒

昭陵之東岡原起伏至陵乃止依陵為園背城面陵處
士李君居之初藩之當道者鬻其近陵之田人以無肥
沃之利貸而不售君獨售而居焉決疏水利剏刈茂艸
既崇而卑既谷而盈地凡七畝有堂有亭有軒有樓堂

文七

四十三

曰瞻雲曰來隱亭曰駐鶴軒曰也足樓曰竹清水田數
畝在其西且北是故以東名其園君世居金州飛遯不
仕方天下之亂力田而食守先人之邱墓登瀛陽北原
而望昭陵顧瞻流涕若有屈原忠臣伯奇孤子之所悲
者然明以保身智以順時渾然而不違浩然而有容故
凡瀋陽之人莫君知也昔文皇帝以瀋陽定天下及後
世子孫不能以天下守瀋陽尺寸之地而君獨爭數畝
之田考槃乎昭陵之側是天子之所不能守而布衣守
之將相之所不能行而布衣行之矣可不謂難乎若非
池臺之觀竹樹之美則東園之餘非李君之所尚也而

豈作記之意哉

上張雨亭將軍書

王永江

簽為才弱事紛留職無益請開去本兼各職事竊永江
從將軍治奉將十年於茲矣初意本期舉實業教育更
治交通屯墾諸大端逐漸發展兼經營東蒙以為利用
厚生之圖唯是將軍督奉之初歲入不過千萬全恃抵
借內外債以濟軍政各費之不足故債累日深自民國
六年俾永江以財政重任勉竭愚忱不避勞怨得以財
政日裕內外債漸次償清度支由是以不乏此正艱難
締造之時也然枯竭始蘇餘款無幾僅辦輕而易舉者

文七

四十四

數事至十一年秋又俾以兼任省長節用剔弊歲入益
增達三千萬以上而至四千萬矣乃又值時局不靖戰
端屢開知進而不知退卒因軍事之牽動致金融紊亂
且猶復牽動不已則一切期望將難達到民生日蹙復
何以固根本而圖發榮夫金榮財政為萬化之母東省
西連蒙古地大物博僅憑此有限之財力即使收神返
聽顧專精致志以經營之猶非數十年難以盡舉誠使
以將軍之雄才大略用之於此未始不泱泱稱東北之
大風也今觀將軍之雄心竟在彼而不在此得勿借箸
為籌者計有所失乎郭叛以後非數年休養生息難復

元氣夫時局如此簡練軍實自屬必要然備兵自衛與
逞兵爭雄則利害相反昔管仲治國三十年始一用兵
燕昭禮士十九年僅乃報齊漢武連年窮兵卒有輪臺
之悔古之明王賢佐猶且如此况中原兵交方始民生
凋弊之秋獨東省一隅最得地利本足自強無待外求
而不速為圖之輕內而重外忽近而圖遠則將自投於
荆棘之中而納人民於水火之內也年來屢值危疑震
撼之局永江勞精疲神以致左目失明心臟漏血或愈
月而一病或一月而數病勉力撐持非不自惜也顧桑
梓之邦憂心獨切不暇計一身之安危非見利則趨見

文七

四十五

害則避者之比也今金融為軍事牽動竟出常軌之外
而戰事又無時可息則數年所期望之諸大政必無所
資以進行可知也使永江在職不過等於腦滿腸肥之
一大官而已無益於桑梓人民並無裨益於將軍也如
其進而違心求合不如退而息影蓬門倘將來時局變
換有可以實修內治之時苟餘年未盡尚可勉效馳驅
今非其時務請開去本兼各職另簡賢能不勝感激之
至王永江謹簽

孫奉之處士家傳

王季烈

余避地大連之第三年始識金州孫子寶田悃悃無華

篤誠士也既而悉其先世多隱德敦孝弟勤力作義方
之訓及於數世非偶然矣茲者寶田持其大父奉之虔
士事狀丐余為之傳按狀君諱承先字奉之奉天金州
人也先世居山東寧海祖成義乾隆中葉渡海來遼遂
著籍焉祖妣氏張考永泰妣氏紀維時海宇澄清鑿井
耕田經兩世之力穡家道遂以小康君承祖父之教循
謹篤實勤於謀生且膂力甚健能舉十鈞而其內行尤
薦弱冠遭父喪盡禮盡哀兄弟三人共居無間言伯兄
失怙後耽博幾傾其家母命君兄弟分爨免為所累君
抱伯兄而泣勸其悔過仍同居者數年伯兄卒不能改

文七

四十六

始與仲兄奉母別居殆丁母憂毀幾滅性與伯兄尤極
相愛君病內熱醫者謂傷寒禁生冷仲兄覩君躁渴狀
親携井華飲之且曰設吾弟飲之而死吾亦相從於地
下乃飲畢而君竟汗出如漿病為霍然君四十猶無子
仲兄每曰天道有知吾弟決不絕嗣未幾果生一子五
十後仲兄病歿君歔歔不樂不數年而君亦卒矣時光
緒三十一年八月二十三日君生於道光二十三年十
二月十九日春秋六十有三配韓氏後君十七年卒子
一尚義女子六孫一即寶田也

論曰漢世有孝弟力田之科如君者允副其選矣豈不

勝於浮華之士哉余故傳之以勵末俗

姜氏兩節母墓表書後

王季烈

倫常間之庸行有傳有弗傳其弗傳者無人為之表彰者也忠臣之於其君孝子之於其親朝廷之上鄉黨之間共見共聞采風者易於訪問秉筆者易於記載湮沒猶少獨此婦人之苦節其事在閨門以內其境則貧家作苦其地則鄉僻之區故湮沒弗傳者獨多歐陽母鄭夫人賢矣然非有文行並卓之文忠公以為之子則隴岡一表何以至今膾炙人口歟金州姜氏有兩節母妣姊也妣劉安人適小泉先生三年而寡矢志事舅姑無

文七

四十七

子撫猶子承業為嗣姊李孺人適明經海峯先生明經沒翁姑衰老子三皆在襁褓孺人与劉安人共事晨昏扶持抑搔十數年如一日以次子承業為小泉先生後三子為叔氏後皆教養之至於成人承業字敬齊幼承兩節母之教克自砥勵壯而從戎既念先世皆以文學顯乃益讀書舍武就文官黑龍江教育廳長修明倫紀宏獎風流有譽於時今歸老林下以文表兩節母之墓余友程銘閣与敬齊交有素以其事告余欲得余一言予維敬齊之表墓隴岡之遺意也兩節母之奇行歐陽母之流亞也又何待乎余之言雖然世道衰矣彝倫數

矣聞兩節母之風足使後世之為婦人者有所興起以勵
松筠之操讀敬齊之文足使世之為人子者有所觀感
以知顯揚之道故不憚費詞而書其後

金州處士孫君妻畢氏家傳

羅振玉

予以戊辰仲冬避地遼東其翌年有金州孫君寶田者
持刺來謁年少有禮不惑於當世衰邪之說心焉異之
既數相見益知其好學敦行意其家教必有過人者今
年夏乃持其母氏之狀來請曰寶田不肖以秉庭闈之
訓幸得成立今母氏之亡且再暮矣願得長者一言以
傳之按狀母畢氏其先世自山東之文登移金州家世

文七

四十八

耕讀考諱世珙以布衣教授鄉里里人薰德善良妣氏
孫實生吾母母幼嫻閨範長益溫恭年二十歸吾父處
士君鄰里鄉鄙嘖嘖稱其賢未幾我王考与我堂伯父
等析居族人有所借端為梗者悍不可犯吾母為新婦甫
逾歲出而以理折之族人為馴伏於是眾乃益知吾母
之賢且才矣光緒壬寅村居多盜乃隨處士君奉親移
居城中生男寶成不育明年不肖生氣質羸劣吾母護
持倍常兒始得遂長養光緒甲辰倣日戰役吾母奉二
親展轉避兵乙巳王考棄養吾母送往事居曲盡誠孝
已而吾父携不肖外出營商業一以家事委吾母終歲

勤劬不得小休甲寅歲吾父櫻疾至危母侍湯藥廢寢
食籲天請代吾父幸得瘵及辛酉秋值外王父之喪哀
毀幾至滅性已而外王妣病疽復晨夕奉養者逾歲精
誠所感竟得無恙然自歷更事變吾母心力遂盡瘁矣
不肖既授室吾母先後得兩孫保抱鞠育一如撫不肖
時而以勞致血疾歲輒發作先後凡數歲竟以是棄養
吾母生於光緒庚辰卒於己巳得年五十不肖無狀媿
不能顯揚其親伏念吾母雖無嶽嶽奇節然上孝其姑
尊中宜其夫下慈其子姓於倫理固無豪髮之憾長者
幸許其請不肖感且不朽予聞之瞿然曰大易稱婦道

文七

四十九

無成而有終彼所遭不幸乃以奇節見聖人之道在盡
人倫人倫之存亡國家興替繫焉子輿氏稱人人親其
親長其長而天下平今世變日亟人紀淪廢茫茫禹域
幾成蹄迹之世正須得如君母者為世正鵠安用奇節
為哉予舊史官也有表章人倫之責且知孫君蒿行必
不以虛美誣其親爰不辭而為之傳備異日載之家乘
以為世範兼以慰處士君處士君名尚義字智堂恢然
長者鄉里稱善人合竝著之辛未九月望上虞羅振玉

撰書

孫氏母訓序

許汝茶

歐陽永叔曰見其子之賢而有立則知其母之義方旨
哉斯言也全州孫君玉良嘗從余友羅貞松王煥廬游
一時老宿胥稱之往歲煥廬介玉良于余余適返初服
道跡海上玉良數千里以書來並附所為文余覽而善
之因以知玉良之為人殆所謂賢而有立者耶嗣閱寶
沈奩宮保所撰孫母畢太君墓誌更因以知玉良之所
以賢所以有立者皆其太夫人義方之教之所致歐陽
氏之言信有徵也寶公不輕以言假人其所稱述自足
信今而傳後而玉良更泯然有不能忘者以謂吾母之
德賴有道之言以彰吾母之德之發而為言者若不復

文七

五十

詳其端委備補家乘再世子孫將不能舉其詞吾母不
其恫歎為人子者其謂之何于是撫心追思自童年以
至成人凡晨夕受誨于定省之餘者悉錄成冊題曰孫
氏母訓郵以見示且乞言焉余讀既竟作而曰此讀書
明義君子之言也今之士夫能言之者鮮矣太君言之
玉良行之而家道正易家人卦曰正家而天下定玉良
倘推而廣之以變今之俗則太君之訓不將與曹氏七
誠並傳哉余知玉良必蹶然興矣辛巳立冬日古潤既
髦贅民許汝荼書于歇浦紆籌樓

全州李孝子傳

羅繼祖

全州李孝子者伯福年字錫之仲壽年字介眉孿生也
世籍州城東關家溝業農父殿元武庠生母宋有閭德
孝子生有至性未冠喪父家寢落乃輟學躬耕以養母
暇則依依母側講故事為笑樂母病嘗湯藥滌廁服
勤無方光緒甲辰州有倭警其將竹力氏知李子誠慤
可倚使人招之曰曷隨吾軍富貴可拾芥取孝子憤然
投袂曰事敵辱親吾不為也遽以母老謝焉鄉里至今
稱道弗衰已而倭祖據遼東半島孝子恥庇外族遯跡
韜晦而望實愈隆光緒戊申倭署長某以孝悌旌閭宣
統庚戌母卒哀毀幾不起官署鑒其誠再褒獎之民國

文七

五十一

己巳春關東長官兒玉秀雄賜孝子帛笑受之製衣二
襲分服而攝影焉題句曰不求世世留形影只願生生
為弟兄友于彌篤伯有疾仲視醫藥未嘗廢離仲病伯
亦如之終其身乙亥夏六月廿六日仲病危伯含淚與
訣曰弟若不諱兄誓同歸仲歿春秋六十有五逾月伯
亦不食卒九月五日也為偶語輓弟且自輓焉自輓曰
憶昔年承歡菽水三膺褒賞兢兢乎懼盛名難副看今
日相携泉壤重侍晨昏欣欣然喜夙願無違伯子長源
長浩仲子長藩並有名行遵父教也庚辰八月邑紳呈
請官署入祀孝子祠

羅繼祖曰詩有之民之秉彝好是懿德若李孝子非能全其秉彝之好者耶舉世方以踰閑蕩檢為賢視礼法繩尺之士匪特鄙夷為不足道甚至詬厲焉噫可以觀世變矣

明拓琅琊碑跋

孫寶田

普照禪寺興造記又名琅琊碑碑在山東沂州府治建於金熙宗皇統四月當宋高宗紹興十四年集柳誠懸書全碑共計一千三百零六字後人稱其集書精妙為金碑第一清康熙七年地震碑裂字有缺泐今則毀碎無餘矣去冬予至燕市於坊間見覆刻已斷本形神俱

文七

五十二

失此乃碑未斷前所拓鋒穎若新出劘較金石萃編所著錄多三十一字故似樓明經一見決為明拓冊內有三韓許氏長賡藏金石書畫印濟南周氏藉書園藏趙之謙諸印許氏殆籍朝鮮未詳其人藉書園為歷城周永年藏書處永年字書昌乾隆進士授編修為清代山左藏書家之一趙號悲盦會稽人工書畫篆刻世所習知是冊為羅氏貞松堂故物光復後得之旅順羅氏故物經亂散佚予每於冷攤以賤值得之此其一也因慨文物聚散無常不過如雲烟過眼今後又不知幾易其主縷述原委告諸來者

旅大文獻徵存卷七

文

五十三